



## Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon  
Prussiae**

**Petrus <de Dusburg>**

**Francofurti ; Lipsiae ; Regiom. Pruss., 1679**

Cap. CXXXVI. De Bello fratrum de Christburg in secunda Apostasia, & de  
quodam miraculo, & de occisione multorum Pruthenorum.

**urn:nbn:de:hbz:466:1-11850**

Hanno de Sangerhausen VII. Mag. Gen. Ord. Teut.  
Conradus à Tierberg Senior IX. Mag. Prov. in Prussia.

rovium Secretarium suum. Capitulum interim sibi elegerat Nicolaum à Tungen. Hinc ad bellum res deyenit, donec tandem Anno 1479. Nicolaus Tungenus à Rege in gratiam receptus promisit cum Capitulo, imposterum non nisi gratum Regi Episcopum à Capitulo electumiri. Vid. Cromer. lib. XXXIX. sub an. 1479. Sed & hīc controversiis exortis de grato Regi Episcopo, tandem Fabianus de Lusinianis sub certis conditionibus Regi Sigism. I. jure Patronatus cessit An. 1512. d. 7. Decemb. in Comitiis Petri co- viensibus. Hæc pleraque deprompta sunt ex libro MS. qui inscribitur: Fundatio, jura, Privilegia Ecclesiæ Varmiensis Conf. & Schuz.

- (b) Serge habet Codex Thoruniensis, ut & Jeroschinus. Hodiè vocatur Passaria, Aſt Hennebergerus in Comment. ad Tab. Geogr. Prus. lib. de fluminibus habet alium flumen Sirgune sive Sirge, in lacum Draufen se exonerantem, qui cum hoc fluvio non est confundendus. Vid. infra cap. 138. ubi de Sirguna: & supra cap. XI.
- (c) Codex Regiomontanus habet et. nos ex Thoruniensi restituimus, à loco.

## CAP. CXXXVI,

*De*

*Bello fratrum de Christburg in secunda Apostasia, & de quodam miraculo, & de occisione multorum Truthenorum.*

Fater Theodoricus dictus (a) Rode, Commendator de Christburg infra secundam Apostasiam exiit cum fratribus & peregrinis numero centum, & post deprædationem terræ Pogesaniæ, secuta fuit eos innumera multitudo Pruthenorum, quam dum sine confliktu evadere non posset, confisus de misericordia DEI vertit faciem suam ad eos, & dum viriliter aggredieretur in bello, conversi sunt in fugam, & fratres & peregrini

Gg sequen-



Hanno de Sangerhausen VII. Mag. Gen. Ord. Teuton.  
Conradus à Tierberg Senior IX. Magister Pruss. Prov.

sequentes ipsos, tot occiderunt, quod nunquam à paucis hominibus uno die tot fuerunt interficti. (b) Captivi autem, qui ligati ducebantur à fratribus, dixerunt, quod vidissent in actu bellandi unam pulcherrimam Virginem vexillum fratrum in aëre ducentem, de qua visione tam meticulosi facti fuerunt, & emarcuit Cor eorum, quod nullus ad defensionem ponere se audebat.

## ANIMADVERSIONES.

## AD CAP. CXXXVI.

(a) Jeroschinus habet Rodde Fragmentum Thoruniense Rhode. Ex hâc familiâ dubio procul oriundus fuit Wilhelmus de Rode Nobilis Lovaniensis, qui seculo sequenti decies octies in Prussiam expeditione susceptâ tandem anno Domini 1392. obiit & Lovani sepultus est in æde sacra Dominicanorum Choro medio. Lapis sepulcralis hanc habet inscriptionem : Miles Wilhelme de Rhede Mors sepelivit te, cuius multas acies audacia trivit. Tu vice terrena Prussos adisti, & semel ad Christi tumulum propriâ sub bâbena &c. Ex hac stirpe etiam Justus Lipsius genus suum deducit. Nam Ægidius Rhodius Justi Lipsii, de quo nobis sermo est, proavo, filiam suam in matrimonium collo caverat. Uxor etiam Philologi hujus incomparabilis ex hac stirpe fuit oriunda. *Vid. J. Lipsius in Lovanio. lib. 2. cap. 8.*

(b) Hæc usque ad finem capituli infragmanto Thoruniensi desiderantur.

## CAP. CXXXVII.

De

## Expugnatione cuiusdam propugnaculi.

Congregati Pogesani rursum bella movere volunt, & procedentes usque Christburg, quoddam Castrum situm juxta ipsum,